

✠

In nómine Patris, et Filii, et Spíritus Sancti.
Amen.

V. Introibo ad altáre Dei.

R. Ad Deum qui lætíficat iuventútem meam.

V. Júdica me, Deus, et discérne causam meam de gente non sancta: ab hómine iníquo et dolóso érué me.

R. Quia tu es, Deus, fortitúdo mea: quare me repulstí, et quare tristis incédo, dum afflígit me inimícus?

V. Emítte lucem tuam, et veritátem tuam: ipsa me deduxérunt, et adduxérunt in montem sanctum tuum, et in tabernácula tua.

R. Et introibo ad altáre Dei: ad Deum qui lætíficat iuventútem meam.

V. Confítebor tibi in cithara, Deus, Deus meus: quare tristis es, ánima mea, et quare contúrbas me?

R. Spera in Deo, quóniam adhuc confítebor illi: salutáre vultus mei, et Deus meus.

V. Glória Patri, et Filio, et Spíritui Sancto.

R. Sicut erat in princípío, et nunc et semper; et in sæcula sæculórum. Amen.

V. Introibo ad altáre Dei.

R. Ad Deum qui lætíficat iuventutem meam.

V. ✠ Adjutórium nostrum in nómine Dómini.

R. Qui fecit cælum et terram

www.traditio-op.org

V. Confíteor... (et vobis fratres, et vos fratres).

R. Misereátur tui omnipotens Deus, et dimisis peccátiis tuis, pedúcat te ad vitam æternam.

V. Amen.

R. Confíteor Deo omnipoténti, beátae Mariæ Semper Vírgini, beáto Michaéli Archángelo, beáto Joánni Baptístæ, sanctis Apóstolis Petro et Paulo, ómnibus Sanctis, et tibi Pater: quia peccávi nimis cogitatióne, verbo et ópere: mea culpa, mea culpa, mea máxima culpa. Ideo precor beátam Mariám Semper Vírginem, beátum Michaélem Archángelum, beátum Joánnem Baptístam, sanctos Apóstolos, Petrum, et Paulum, omnes Sanctos, et te Pater, oráre pro me ad Dóminum Deum nostrum.

V. Misereátur vestri omnípotens Deus, et dimíssis peccátiis vestris, perdúcat vos ad vitam ætérnam. R. Amen.

V. Indulgéntiam, absolutiónem, ✠ et remissión-em peccatórum nostrórum tríbuat nobis omnípotens et miséricors Dóminus. R. Amen

V. Deus tu convérsus vivificábis nos.

R. Et plebs tua lætábitur in te.

V. Osténde nobis, Dómine, misericórdiam tuam.

R. Et salutáre tuum da nobis.

V. Dómine, exáudi oratióne meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

V. Orémus